

Scientia Sanctorum

Collecta Ex Meditationibus Ludovici De Ponte, Joannis Busaei, Joan.
Suffren, Juliani Hayneufve, Et Antonii Gaudier, &c. E Societate Jesu, In
Dominicas, Festa & ferias totius Anni digesta. Cum Indicibus duobus. I. In
singulos dies. II. Ad Exercitia Spiritualia

Puente, Luis de la

Dilingæ, 1685

42. De concilio contra Christum.

[urn:nbn:de:hbz:466:1-60561](#)

excitatum per divinam inspirationem solvit à peccatis Sacerdos. Nam etiam, qui per contritionem revixerunt, debent absolvī in Sacramento pœnitentiae.

MEDITATIO XLII.

*De Concilio contra Christum occasione
fuscati Lazari. Ioan. 11.*

PUNCTUM PRIMUM.

Invidia
cæci.

Ioan. 11.

47.

Quemadmodum odio & invidia perciti Iudæi, ex bono Christi opere parant sibi venenum ad interitum: nam qui interfuerant suscitationi Lazari, ad Phariseos referunt. Unde coacto concilio, Pontifices & Pharisei dicunt: *Quid facimus, quia hic homo signa multa facit?* Et tam sunt cæci, ut id, unde omnes credituros in Iesum ominantur tanquam in Messiam, ipsi nolint intelligere, atque ita sit justo Dei iudicio, ut malum temporale, quod metuunt, prædicant: *Venient Romani, & tollent locum nostrum, & gentem.*

PUNCTUM II.

V. 49.
Super-
bia alios
arguit.

Sententia Caiphæ Pontificis : *Vos nescitis quidquam neque cogitatis :* ab arrogantia orditur, quasi solus sapiat, & tam insipiens fuit, ut, quod ad avertendam cladem à populo necessarium esse dixit, causa extiterit excidii : sed quod ille proprio spiritu male cogitaverat, Spiritus

ritus Sanctus vertit in Prophetiam, ut per illa ipsa verba prædiceret necessitatem Christi passionis, ad totius generis humani salutem: *Quia expedie vobis, ut unus homo moriatur pro populo, & non tota gens pereat.*

PUNCTUM III.

Conspiratio in Christi necem. *Ab illa ergo Jesus die cogitaverunt, ut interficerent eum.* Nec mansuetus Christum omnia scientem, & tulit, ut a-
tuscedit. pud Ieremiam ipse loquitur: *Tu autem Domine Ier. II.
demonstrasti mihi, & cognovi. Tu ostendisti
e- mihi studia eorum. Et ego quasi agnus man-
ri- suetus, qui portatur ad victimam;* & non co-
de gnovi, quia cogitaverunt super me consilia, dicen-
tes: *Mittamus lignum in panem ejus,* & era-
damus eum de terra viventium: quomodo
cognovit & non cognovit? quia scivit; sed
non, ut vitaret, aut ulcisceretur. Ergo abiit in Ioan.
regionem juxta desertum in civitate, quæ dicitur 11. 54.
Ephrem, & ibi morabatur cum discipulis suis:
qui permanebant cum eo in temptationibus ipsi-
us. Ibi comparavit ad se ad appropinquan-
tem jam horam suam.

*Quæ his sunt consequentia, habentur in quar-
ta parte.*

De